

ZUT Khe Zut Khergi Gap Khe fharav ganinga buni khare.

Kha gavar ki buni, nta maney 2 Pitar ki buni fara muunggi. Ana khuen guigira Zisas kothigi gumgi gu mbigi ga suan za mbui. Mbe mba panan Fhe Bakime buna vhuuej ga kegi gumgi nzuai buni mbarara thari. Kha gap kharj nzuai, “Fhe Bakime nza guigira Zisas kothigi tiva bavira, nza guigira Zisas kothigi gumgi gu mbigi, ana ana nza niinggi. Guma the nza kha kothigi bigi, ana ntan kurarga tuktiigi fhuvara.” Ndu ves 3 ganiri.

Nde guigira Zisas kothigi tiv, nde tuituigira ana ganiv, nde mba Fhe Bakime buna vhuuej panan ne ga kegi gumgi nzuai buni, nde nta daangip, mbur khangiri.

¹ Gu Zut, gu Zisas Kraisan njaara guma ma. Gu vhira Zemsan nguk ma. Gu kha gava khergiap, nde Fhe Bakime kamgi gumgi gu mbigi, gu anan nde ndi mbai. Fhe Bakime guigira wo ndavar nde ndiim, Zisas Krai nduara nde gari. ² Fhe Bakime nden kurarim, nde Fhe Bakime harigi gumgi kora mbui tiv gum, ndava miitik gum, ana guigira won ndavar gumgi ga ndiiv tiv, mba tivi, nta guigira havhargip nden kirim, nde mba tivir muurri.

Panan Fhe Bakime buna vhuuej ga kegi gumgi, mbe guigira Zisas kothigap ana zin vui gumgi gu mbigir vhen zergi.

2 Pita 2.1-18

³ Nde nan kivntogi guari, gu kha gava kherav, gu khuenj vuzvugi. Gu fharav, Fhe Bakime taagip nza ndir zav muunji njaara bun nde suanga. Gu mba ndikndiga muunji thav, gu kha ndikndiga mbui. Gu ntigem harigi buni kheriv, kharj mbe suanga, nde kharj tigip havhargip, nde guigira Zisas kothigi tiva ganiri. Nde kharj tigip mba tiva ganiv, mba panan Fhe Bakimen buna vhuuej ga kegi gumgi, nde mbe daanji mbur khangiri. Fhe Bakime nza guigira Zisas kothigi gumgi gu mbigi, ana buna vhuuej buenra nza niinji. Fhe Bakime nza suanji buna vhuuej, nza ne kothigi, mba guma the ne dorgi khangirga tuktigi fhuvara, ne mbara muunji kirga. ⁴ Gumgi mbari, mbe wari vhaav zav, guigira Zisas kothigi gumgi gu mbigir vhen vergi. Mbe fhum guarara kha buni khergim, nta Fhe Bakime buni vhuuij ki gavar ki. Mba khesharigi gumgi, mbe zumgum Fhe Bakime niman thivgirga, ana mbe suanjv suanjirga, mbe fhiri regirga. Mbe kir Fhe Bakime si gumgi ma. Mbe kir Fhe Bakime sav, anan kora muumbar mbe ana domdora suav, ana mbuim, mbarkirga tivi mbatigi anan hi. Mba khesharigi gumgi, mbe nzan Guman Pana bavira, Zisas Krai, ana nza Bakime ma, mbe kir ana segi.

⁵ Nde Guma Bakime kanji, ana fhum Isrerinj ndigim, mbe Idzip thav vegi. Ana zumgum, guigira ana kothigi fhuvar gumgi gu mbigi, ana mben farfagi. Gu khuenj vuzvugiap taagia nde ndikndigi khavi, nde taagi ne ndikndigirga. ^a ⁶ Nde mba Fhe Bakime enseri ga

1:3 Fi 1.27; 1 T 1.18; 6.12; 2 T 1.13; Ta 1.4 1:4 Ga 2.4; Ta 1.16; Hi 12.15; 2 Pi 2.1; 1 Zo 2.22 1:5 Kis 12.51; Nam 14.29-30; Sng 106.26; 1 Ko 10.5; 10.9; Hi 3.17-19; 2 Pi 1.12 ^a 1:5 Mbe Grikar kaman khergi gavi vuri mbari, mbe kharj nzuai Guma Bakime. Mbe maanj nzuai fhuvara. Zakira fhuvara. Mbe kharj mbui kherar ana muunji, “Zisas.”

1:6 Zo 8.44; 2 Pi 2.4; 2.9; VB 20.10

ndikndigi. Mbe Fhe Bakime mbe niingi jaari, mbe tui-tuigip ntan ki thav, mbe Fhe Bakime ngu thagi. Maan muungiap, Guma Bakime zazera mbara muungiap ki shenin mbe kegap, mbe ndim guigira gingina mbatiga muungi ngun phena tivanen khingim, mbe mba ngun ki. Mbe kav, Fhe Bakime kha nuianan ki gumgi gu mbigi muungi tivi mbatigi ga suany mbe suanga tuga bakimen rarga mbur ki. ⁷ Fhum Sodom gu Gomora ngu bakini, manin han ki ngui bakivi, ntan ki gumgi gu mbigi, mbe mbe muungi tivara muungi. Mbe tivi mbatigi ga mbuav, mbe mbarkirga tivi mbatigi guarira, mbe nta mbuav ruarir wari kiii. Maan muungiap mbe zazera mbara muungiap ki zaa vharav kav zaa ndi.

Khe fhum hegi bigi ma. Nza mba bigi ga ndikndigip, nza mbe muungi tivi mbatigi, nza nta zin ngi tharga. ⁸ Mba zav nden vhen zergi gumgi, mbe nde ndikndigi ngir zav zegi. Mbe kha khesharigi tivi zin vui ntiiri ma. Mbe mbarkirga riia kuim, nta mbe ndikndigi khavim, mbe tivi mbatigi guarira wari won fhavi ga mbui. Mbe maan mbuav, vhira nza Guma Bakime ga riiriv, mbe vhira Fhe Bakimen enserir, mbe buni mbatigir mbe nzuai. ⁹ Mba Fhe Bakime enserir vhari Maiker, ana kamthoon Moses khuma nzuav Satan phorga shogap, ana dav, anan ndav shigi fhu. Ana vhira buna mbatiga thuen Satan ga suangi fhu. Zakira fhuvara! Ana fhura khar ana nzuai, "Guma Bakime nduara ndu vhegip, kama havharar thini pini sanv ndu suanga." ¹⁰ Mba buni mbatigi nzuai gumgi, mbe mba bigi niinge kangiap, buni mbatigi nzuai fhuvara. Mba buni mbatigi nzuai gumgi, mbe kha nuianan ki sigi fara muungi, mbe ndikndigi ki fhuvara, mbe fhura

1:7 Stt 19.1-24; 2 Pi 2.6; 2.10 1:8 Kis 22.28; 2 Pi 2.10 1:9 Lo 34.6; Dan 10.13; 10.21; 12.1; Sek 3.2; 2 Pi 2.11-12; VB 21.7 1:10 2 Pi 2.12

rui. Mbe maan mbuim, mben tivi guigira mben farfagi. ¹¹ Mbe maan mbuim, Fhe Bakime mben farfagirga. Mbe Kein muunji tiva zin vui. Mbe nkiia nzuav mbuav, mbe Baram mbui tiva mbui. Mbe maan mbuav, mbe Kora fara muunjiap Fhe Bakime riinjriingi. Mbe maan mbuav, mbe guigira fhireregi.

¹² Nde zazera wari tigap phogi ga vhov mba mba shaa ga mbuav pav, nde khuen ndi khivi. Nde ndava bavira kav, nde guigira wari won ndavir Fhe Bakimen gumgi gu mbigi ga ndiii. Mba gumgi zav, Fhe Bakime niman tivi mbatigi ga mbui. Mbe mba shama bakimen kav, pi ne fara muunjiap pav, mbe nen mberi fhu, mbe warira ndikndigi. Mbe phiga ndogiap, zav, nde han ki. Mbe mbok nzir zav mbui buiva phigivige fara muunji. Mba buiva phigivige fhura zim, biinjbiinj nta tigim, nta fhura tamtam vui. Mbe vhira khira vhigi mbai tugen, mbe vhigi mbai fhu. Mbe vhira guma thiri khigap, kha sigim, ana shiingi fara muunji. Mbe fharav ringip, wom rilinga gumgi ma. ¹³ Mbe tamtam farfav mbasik phuri ra shogi fhara muunji gumgi ma. Mbe vhira mberav tivi mbatigi ga mbui fhuvara. Mbe kirara thivgiap, mbasik purira shogim, ana phuvi huri kirara ki fara muunjiap, mbe won tivi mbatigir nden ti sui. Mbe vhira mbu buivar ki nkaar fara muunjiap, mbe wari wo vui tuavir vui fhuvara. Maan muunjiap, Fhe Bakime guigira gingingiap, guigira phigi ngu ana ana muunji, mbe anan ngegip, zazera mbara muunjiap anan kirga.

¹⁴ Enok, ana Adaman harathigi nziga mbe ma. Ana Fhe Bakime kamthoonj gumgi nzuai suambara mbuav, ana

1:11 Stt 4.3-8; Nam 16.1-35; 22.1-35; 2 Pi 2.15; 1 Zo 3.12 1:12 Ese 34.8; Mt 15.13; 1 Ko 11.21; Ef 4.14; 2 Pi 2.13; 2.17; VB 2.11; 20.14 1:13 Ais 57.20; Fi 3.19; 2 Pi 2.17 1:14 Stt 5.18-24; Lo 33.2; Dan 7.10; Sek 14.5; Mt 25.31; 2 Te 1.7; VB 1.7

mba gumgi mbatigir hirga bigeŋ ana ne bun suaŋgi. Ana khaŋ suaŋgi, “Gu Guma Bakime garim, ana Fhe Bakime enserir vhirve guarira kov zi. ¹⁵ Ana za kha nuianan ki gumgi gu mbigi muuŋgi tivi mbatigi ga suaŋv mbe suaŋv muumbara mbatigar mben muuŋgirga. Ana mba suaŋgi tivi zin ŋgi thagi gumgi gu mbigi, ana guigira mben muuŋgirim, mbe guigira wari wo muuŋgi tivi mbatigi vheza ndigirga. Fhe Bakime guigira mba khesharigi gumgir muuŋgirim, mbe guigira wari wo muuŋgi tivi mbatigi gum mbe mba mbarkirga buni mbatigir ana suaŋgi, mbe guigira ntan vheza ndigirga.” ¹⁶ Mba gumgi, mbe bigi mben him, mbe za ndavi shiav, buni vhirve nzuav, fhura bigir gumgi ga si. Mbe wo ndavi vherir ki tivi mbatigi, mbe ntara zin vui. Mbe maan mbuav, mbe fhura shishiŋap kaa bakivi ga nzuav, wari wo ziri ndiv vun kuamkuagi. Mbe maan mbuav wari zin ŋgir zav fhura gumgi raan shi.

Nde guigira Zisas khotiŋgi tiv nde ndavi havhargiri.

¹⁷ Nde nan feŋi gu ŋgugi, nde mba zumgum hir za mbui bigir kameŋ mbararagi, nde nta ndirigiri! Mba buni Zisas farasarigi 12 thiŋi ŋaara gumgi fhum mba bigi bun nza suaŋgi. ¹⁸ Mbe fhum khaŋ nde suaŋgi, “Zisas taagip zirirga tuk han mbararga, Fhe Bakime nziiv, guigira Zisas khotiŋgi gumgi nziiv buni nzuai gumgi hegirga. Mbe hegip, kir Fhe Bakime segip, mbe won tivi mbatigira zin ŋgirga.” ¹⁹ Mba gumgi, mbe Zisas khotiŋap ana zin vui gumgi gu mbigi shigap, mbe kha nuiana vuzvugi mbatigi zin vui. Mbe maan mbuim, Fhe Bakimen ŋina ŋaar mben ki fhu.

1:15 Sng 31.18; 94.4; Mal 3.13 1:16 Snd 28.21; Ze 2.1; 2.9; 2 Pi 2.10; 2.18

1:17 2 Pi 3.2 1:18 1 T 4.1; 2 T 3.1; 2 Pi 2.1; 3.3 1:19 Hos 4.14; 1 Ko 2.14-15; Hi 10.25; Ze 3.15

²⁰ Nde nan feği gum ŋugui, nde zazera guigira Zisas kothivav, ana zin vui ndikndik guigira nde ndavi havhargiri. Nde mba Zisas kothigi tiv, Fhe Bakime nduara mba tivar nde niingi. Fhe Bakime ŋina ŋaar havharar nden niingrim, nde Fhe Bakime phorgi suanri. ²¹ Fhe Bakime guigira won ndavar nde niingi, nde guigira anan hara kirim, ana zazera won ndavar nden niingri. Nde kiv, zazera nza wo Bakime Zisas Krai rargi kirim, ana guigira won kora muumbarar ndi kira phirarim, nde zazera mbara muungiap ki biŋbiŋ ndigirga. ²² Nde vhira guigira Zisas kothigi gumgi gu mbigi, mba ana kothigi tiv havhargi fhu gumgi gu mbigi, nde mben korar muunri. ²³ Mbe mbari, mbe vhava rir za mbui fara muungi, nde vhemkora mben kurav, taagip mbe ndigiri. Mbe mbari, nde mben kora muunv, nde vhira mben riviri. Mbe guigira ndava vurar kav, mbe guigira nzaŋnzaŋgi. Mben tivi mbatigi mben shagi ga muungim, nta vhira nzaŋnzaŋgi. Nde Fhe Bakime niman mba nzaŋnzaŋgi tivi gum bigi, nde nta thav, samra kiri.

Nza Fhe Bakime zi ndi vun kuamkuarga.

²⁴ Fhe Bakime nde ganinga, nde rigirga tuktiği fhuvara. Ana vhira nde ndigi ngip, won ŋgun vhuun ngigirim, nde ana niman simtik thueŋ kegirga fhu, nde ana han kiv, nde guigira ndikndigirga. ²⁵ Nza mba Fhe Baki bavira ki. Ana kav, ana nduara nza Bakime Zisas Krai muungi ŋaara panan, ana taagiap nza ndigi. Nza ne suanv ana zi ndiv vun kuamkuarga. Ana nduara ŋgui vhirve gari guman pana vhari kirga. Ana ŋkasŋka bakime ki, ana za kha bigi gari guman pan kirga. Ana fhum zazera mbara

1:20 Ro 8.26; Ef 6.18; Kor 2.7; 1 Te 5.11; 1 T 1.4 1:21 Ta 2.13; 2 Pi 3.12
 1:23 Amo 4.11; Sek 3.2-5; Ro 11.14; 1 Ko 3.15; VB 3.4 1:24 Ro 16.25; Ef
 3.20; Fi 1.10; Kor 1.22; 2 Pi 3.14 1:25 Ro 16.27; 1 T 1.17; 2.3; 2 Pi 3.18

Zut 25

7

Zut 25

muunġiap ki, ana vhira ntigem mbara muunġip kirga.
Ana vhira zungum, ana zazera mbara muunġip kirga.
Khuenġ guigira.

Fhe Bakimen Kaman Kamerj Kire New Testament

copyright © 2001 Pioneer Bible Translators

Language: Kire

Translation by: Pioneer Bible Translators

Fhe Bakimen Kaman Kamerj in the Kire Language

This translation was produced by Pioneer Bible Translators, and was published in 2001 by the Bible Society of Papua New Guinea.

If you are interested in obtaining a printed copy, please contact the Pioneer Bible Translators at www.pioneerbible.org

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

- You include the above copyright and source information.

- You do not sell this work for a profit.

- You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

PDF generated using Haiola and XeLaTeX on 27 Sep 2019 from source files dated 27 Sep 2019

bfb9792d-a7df-5425-8e30-1e4968f04468